

National Museum of Ireland

museum

National Museum of Ireland

Ard-Mhúsaem na hÉireann

Coimeádaí Cúnta Grád II

Rannán Shaol na Tuaithe

Conradh Téarma Socraithe 2 Bhliain

LEABHRÁN EOLAIS

National Museum of Ireland

Tá iarratais á lorg ag **Ard-Mhúsaem na hÉireann** ó iarrthóirí oiriúnacha chun post mar **Choimeádaí Cúnta Grád II** a líonadh i **Rannán Shaol na Tuaithe** atá lonnaithe in Ard-Mhúsaem na hÉireann – Saol na Tuaithe, Páirc Thurlaigh, Caisleán an Bharraigh, Co. Mhaigh Eo. Conradh téarma socraithe dhá bhliain é seo. Líonfar an post seo tar éis agallamh iomaíoch.

Teideal an phoist

Coimeádaí Cúnta i Rannán Shaol na Tuaithe

Suíomh

Beidh an té a cheapfar ag obair in Ard-Mhúsaem na hÉireann – Saol na Tuaithe, Páirc Thurlaigh, Caisleán an Bharraigh, Co. Mhaigh Eo nó in aon láthair eile d'Ard-Mhúsaem na hÉireann faoi mar a d'fhéadfadh an Stiúrthóir a ainmniú ó am go chéile.

Ag tuairisciú do

Tuairisceoidh an té a cheapfar do Stiúrthóir Ard-Mhúsaem na hÉireann.

Sonraíocht an Duine

Riachtanais:

- Céim onóracha den chéad nó den dara rang, agus ceann de na hábhair seo a leanas mar phríomhábhar i scrúdú deiridh na céime: Béaloideas Éireann, Eitneagrafaíocht, Antraipeolaíocht, Cultúr Ábhartha, Léann na hÉireann nó Ard-Diplóma sa Bhéaloideas nó cáilíocht chomhionann atá inghlactha ag Ard-Mhúsaem na hÉireann
- Scileanna maithe ríomhaireachta.
- Sár-scileanna labhartha, scríofa agus idirphearsanta agus cumas cumarsáide éifeachtach trí Ghaeilge.

Riachtanais Inmhianaithe (ach níl siad riachtanach):

- Cáilíocht i Staidéar Músaeim nó Riarachán Ealaíon/Beartas Cultúir.
- Taithí i mbainistíocht bailiúchán, clárú agus dearadh taispeántais.
- Eolas ar chórais bainistíochta bailiúcháin.
- Taithí in aon cheann de na réimsí atá liostaithe faoi na príomhdhualgais thuas agus go háirithe i speisialtóireacht ábhair na hEitneagrafaíochta.

Cúraimí an Phoist

Beidh tú freagrach as dualgais ghinearálta choimeáda ar Rannán Shaol na Tuaithe le tagairt go sonrach do choimeád, fáil, clárú, léiriú, taighde, taispeánt agus foilsiú déantán ó na bailiúcháin.

National Museum of Ireland

Is cnuasach eitneagrafaíochta é Cnuasach Shaol na Tuaithe a léiríonn cultúr na hÉireann trí na gnáthrudáí laethúla a úsáideadh in Éirinn san am a chuaigh thart agus go dtí an lá atá inniu ann. San áireamh tá rudaí a bhaineann le Talmhaíocht, Muirí, Iompar, Éadaí, Féilire Custaim, Spórt, Fóillíocht agus an Baile agus ábhar cartlainne agus leabharlainne eile a bhaineann leis na nithe thuas go léir.

Dualgais agus Cúraimí

Féadfaidh na dualgais seo a leanas a bheith san áireamh i ndualgais an phoist;

- Eolas ar Bhailiúcháin Shaol na Tuaithe Ard-Mhúsaem na hÉireann.
- Na bailiúcháin a chatalógú, a thaighde, a léirmhíniú agus a fhoilsiú;
- Rudaí a mholadh agus taighde a dhéanamh lena bhfáil;
- Taispeántais a ullmhú agus a chur ar siúl agus dul i dteagmháil le saineolaithe agus baill foirne eile de réir mar is gá;
- Léachtaí a ullmhú agus a thabhairt ar ghnéithe éagsúla de na bailiúcháin;
- Maoirseacht a dhéanamh ar chomhaltaí foirne coimeádta, teicniúla agus eile;
- Faisnéis de chineál speisialaithe agus ginearálta a sholáthar don phobal agus d'institiúidí eile.

Próiseas Roghnúcháin

Sa chás go sáraíonn líon na n-iarratas a fhaightear go suntasach an líon is gá chun folúntais atá ann cheana agus a mheastar a bheidh ann amach anseo a líonadh thar shaolré an phainéil, féadfaidh Ard-Mhúsaem na hÉireann próiseas gearrliostaithe a chur i bhfeidhm chun líon iarrthóirí a roghnú a dtabharfar cuireadh dóibh chun agallaimh ar bhonn na faisnéise atá ina n-iarratas. Ní hionann sin is a rá go bhfuil iarrthóirí eile mí-oiriúnach, nó nach bhfuil siad in ann an post a dhéanamh, ach, ar an ócáid seo, go bhfuil roinnt iarrthóirí ann atá, ar bhonn an eolais a cuireadh ar fáil, cáilithe níos fearr, agus / nó a bhfuil níos mó ábharthachta acu.

Ní aisíocann Ard-Mhúsaem na hÉireann costas taistil chuig agallamh.

Riachtanais Saoránachta

Seo na grúpaí saoránach a cháilíonn:

- (a) Saoránaigh den Limistéar Eorpach Eacnamaíoch. Ballstáit an Aontais Eorpaigh mar aon leis an Íoslainn, an Iorua agus Lichtinstéin atá i gceist leis an LEE; nó
- (b) Saoránaigh de chuid na hEilvéise de bhua chomhaontú idir an AE agus an Eilvéis ar shaorghluaiseacht daoine; nó
- (c) Saoránaigh neamh-LEE atá ina chéile nó ina leanbh de shaoránach LEE nó Eilvéiseach agus a bhfuil víosa stampa 4 aige; nó
- (d) Daoine a bhfuil cosaint idirnáisiúnta á fháil acu faoin Acht um Chosaint Idirnáisiúnta 2015 nó aon bhall teaghlaigh atá i dteideal fanacht sa Stát mar thoradh ar athaontú teaghlaigh agus a bhfuil víosa stampa 4 acu; nó
- (e) Saoránaigh nach saoránaigh den LEE iad ach ar tuismitheoirí leanbh cleithiúnach iad nó saoránaigh de chuid bhallstát LEE nó den Eilvéis, a bhfuil cónaí orthu i dtír LEE nó san Eilvéis, agus a bhfuil víosa stampa 4 acu.

Ní mór d'iarrthóirí ceann amháin de na critéir shaoránachta thuas a chomhlíonadh faoin lá a dtairgtear post dóibh.

Nóta maidir le saoránaigh RA: Deimhníodh san idirbheartaíocht AE/Breatimeacht RA a cuireadh i gcrích le déanaí go bhfuil an Comhaontú Comhlimistéar Taistil le fada an lá idir an RA agus Éire gan athrú tar éis an Bhreatimeachta. Dá réir sin, tá saoránaigh na RA incháilithe chun obair agus cónaí in Éirinn gan srian agus, dá bharr sin, iarratas a dhéanamh chun dul san iomaíocht don chomórtas seo i gcás ina gcomhlíonann siad na critéir incháilitheachta cáilitheacha eile go léir. Gheofar tuilleadh faisnéise maidir leis an gComhlimistéar Taistil [anseo](#).

An Scéim um Luathscor Dreasaíthe (ISER):

Is coinníoll é den Scéim um Luathscor Dreasaíthe (ISER), mar atá leagtha amach in Imlitir 12/09 na Roinne Airgeadais, toirmeasc a bheith ar lucht scoir, faoin scéim sin, iarratas a dhéanamh ar phost eile san fhostaíocht nó san earnáil chéanna. Mar sin, ní ghlacfar le hiarratais ó dhaoine atá ag baint leas as an scéim sin.

Ciorclán na Roinne Sláinte agus Leanaí (7/2010):

Tugadh isteach le Ciorclán 7/2010 na Roinne Sláinte agus Leanaí den 1 Samhain 2010 Spriocscéim le haghaidh Luathscor Deonach (VER) agus Iomarcaíocht Dheonach (VRS). Is coinníoll den scéim VER é nach gcáileoidh daoine a bhaineann leas as an scéim le cur isteach ar athfhostaíocht san earnáil sláinte phoiblí nó san earnáil phoiblí i gcoitinne, nó i gcomhlacht a mhaoinítear go hiomlán nó go páirteach as cistí poiblí. Tá feidhm ag an gcosc céanna ar athfhostaíocht faoin scéim VRS ach ní mhairfidh an cosc ach go ceann seacht mbliana agus caithfidh an tAire Caiteachais Phoiblí agus Athchóirithe toiliú a thabhairt i gcás aon athfhostaithe ina dhiaidh sin. Daoine a bhain leas as aon cheann den dá scéim sin, ní cháileoidh siad chun dul isteach sa chomórtas seo.

Comhaontú Comhchoiteann: Íocaíochtaí Pinsin le Seirbhísigh Phoiblí

National Museum of Ireland

Le litir dar dáta an 28 Meitheamh 2012 chuig oifigigh pearsanra, thug an Roinn Caiteachais Phoiblí agus Athchóirithe isteach Comhaontú Comhchoiteann, le héifeacht ón 1 Meitheamh 2012, a rinneadh idir an Roinn Caiteachais Phoiblí agus Athchóirithe agus Coiste Seirbhísí Poiblí Chomhdháil na gCeardchumann maidir le híocaíochtaí iomarcaíochta ex-gratia do sheirbhísigh poiblí. Is coinníoll é den chomhaontú comhchoiteann nach gcáileoidh daoine a bhain leas as an gcomhaontú seo le cur isteach ar athfhostaíocht sa tseirbhís poiblí nó in aon chomhlacht seirbhíse poiblí (mar a shainítear iad sna hAchtanna um Bearta Airgeadais Éigeandála ar Mhaithe le Leas an Phobail, 2009-2011) go ceann dhá bhliain ó dheireadh na fostaíochta. Ina dhiaidh sin beidh toiliú an Aire Caiteachais Phoiblí agus Athchóirithe de dhíth sula n-athfhostaítear an t-iarrthóir. Daoine a bhain leas as an scéim seo agus a d'fhéadfadh áit a bhaint amach sa chomórtas seo, beidh orthu a chruthú go gcáilíonn siad chun an post a ghlacadh (deireadh a bheith tagtha leis an tréimhse neamhcháilitheachta) agus beidh toiliú an Aire de dhíth sular féidir glacadh le haon fhostaíocht le comhlacht seirbhíse poiblí.

Dearbhú: Iarrfar ar iarratasóirí a dhearbhú cibé ar bhain siad leas roimhe seo as aon scéim luathscoir dhreasaithe seirbhíse poiblí. Beidh ar iarratasóirí a dhearbhú, leis, cibé an bhfuil aon teidlíocht acu ar phinsean seirbhíse poiblí (atá á íoc nó atá forchoimeáda) ó aon fhostaíocht seirbhíse poiblí eile agus/nó an bhfuair siad íocaíocht in áit seirbhíse in aon fhostaíocht seirbhíse poiblí.

TREORACHA CHUN IARRATAS A DHÉANAMH

Iarrtar ort d'iarratas a chur isteach ar an roinn folúntas ar **láithreán Gréasáin Ard-Mhúsaem na hÉireann**: <https://www.museum.ie/en-IE/About/Careers/Vacancies>

Iarrtar ar iarratasóirí foirm iarratais a líonadh isteach agus CV suas chun dáta agus litir chlúdaigh a chur isteach leis. **[Iarraimid ort gach ceann de na trí dhoiciméad a chomhcheangal agus a chur isteach i bhfoirm PDF amháin.](#)**

Caithfear gach ceist ar an bhfoirm iarratais a fhreagairt agus iad a chlósscríobh. Ní ghlacfar le hiarratais lámhscríofa ná le hiarratais san fhoirm mhícheart. Mura ndéantar, féachfar air mar iarratas neamhiomlán agus ní chuirfear san áireamh é.

Tosaigh an próiseas iarratais ar ár leathanach Vacancies.

Céimeanna an iarratais:

- Gabh chuig an leathanach Vacancies agus roghnaigh an post ar a bhfuil tú ag cur isteach.
- Léigh an Leabhrán Eolais chun sonraí uile an phoist a fháil.
- Feicfear na doiciméid a theastóidh don iarratas ar an leathanach seo i bhfoirm nasc.
- Cliceáil gach doiciméad, a osclóidh i bhfuinneog nua. Íoslódáil/Sábháil gach doiciméid ar do ríomhaire/do ghléas.
- Líon isteach na doiciméid riachtanacha, agus déan **PDF amháin** de na doiciméid, do CV agus do litir chumhdaigh.
- Agus é sin déanta, fill ar shuíomh gréasáin an Ard-Mhúsaem agus críochnaigh an próiseas iarratais.
- Arís, gabh chuig an leathanach [Vacancies](#) roghnaigh an post a bhfuil tú ag cur isteach air.
- Cliceáil an cnaipe **Apply Now**.
- Líon isteach an fhoirm.
- Uaslódáil do PDF amháin.
- Déan an tseiceáil Captcha agus ansin cliceáil **Submit Your Application**.

Tabhair **seoladh monatóirithe bailí ríomhphoist**. Úsáidfear an seoladh ríomhphoist chun d'iarratas a admháil agus mar phríomh-mhodh teagmhála le hiarratasóirí.

An Dáta Deiridh d'Iarratais

**Caithfidh iarratais a bheith faighte ar a 5 a chlog tráthnóna
Dé hAoine 26 Lúnasa 2022**

National Museum of Ireland

Ní ghlacfar le hiarratais dhéanacha. Cloífead go docht leis an dáta agus an am deiridh, agus mar sin is faoin iarratasóir a bheidh sé a chinntiú go bhfaighfead an t-iarratas roimh an sprioc-am. **Dícháileoidh canbhasáil.**

Coimeádaí Cúnta Grád II Príomhchoinníollacha seirbhíse

Pá

Is é seo a leanas an scála tuarastail don phost seo Scála Príomhoifigeach Cúnta PPC (Ag Dul ó Neart go Neart - Margaíocht Earnála 1% Fea 2022):

€33,149	€35,502	€36,132	€39,292	€42,422	€45,573	€48,725	€50,672	€52,629
1	2	3	4	5	6	7	8	9
€54,602	€56,561	€58,527	€60,494	€62,454	€64,429	€66,615	€68,795	
10	11	12	13	14	15 NMAX	16 LSI1*	17 LS12**	

Faoi réir feidhmíocht shásúil, is féidir go n-íofar breiseanna ar aon dul le beartas reatha an Rialtais.

Tar éis seirbhís shásúil 3 bliana ag an uasmhéid.

** Tar éis seirbhís shásúil sé bliana ar an uasmhéid.

An Tuarastal Tosaigh

Déanfar an ceapachán ar íospointe an scála - **€33,149** sa bhliain. an 1^ú pointe ar scála an Choimeádaí Chúnta Grád II, Scála PPC (1%, Fea. 2022).

Tionacht

I gcáil phromhaidh ar feadh bliana a dhéanfar an ceapachán. Faoi réir na tréimhse promhaidh a bheith sásúil, tairgfear Conradh Tréimhse Socraithe do bhliain eile. D'fhéadfadh ceachtar páirtí an ceapachán a fhoirceannadh uair ar bith de réir na nAchtanna um Fhógra Íosta agus Téarmaí Fostaíochta 1973 agus 1991.

Saoire bhliantúil

25 lá oibre sa bhliain an tsaoire bhliantúil sa bhliain ag méadú go 27 lá tar éis seirbhís 5 bliana

agus 29 lá oibre tar éis deich mbliana seirbhíse. Ar sheachtain oibre cúig lá a bhunaítear an tsaoire seo agus ní chuirtear laethanta saoire bainc san áireamh ann.

Uaireanta oibre

Socrófar na huairéanta oibre ó am go chéile ar aon dul le comhaontuithe lárnacha ach ní sháróidh siad 43.25 uair chomhlána sa tseachtain (35 nglanúair sa tseachtain). Tá uaireanta solúbtha oibre ar fáil ar aon dul le beartas Ard-Mhúsaem na hÉireann ar uaireanta oibre solúbtha.

Aontóidh tú comhoibriú chun cabhrú le hArd-Mhúsaem na hÉireann taifid chruinne a choimeád de d'uaireanta oibre le haghaidh cuspóirí Alt 25 den *Acht um Eagar Am Oibre*, 1997.

Dualgais

Ceanglófar aon dualgas atá cuí don phost, agus a d'fhéadfaí a shannadh duit ó am go chéile, a chomhlíonadh. Post lánaimseartha a bheas ann agus ní bheidh aon cheangal agat le haon ghnó lasmuigh a chuirfeadh isteach ar fheidhmiú na ndualgas oifigiúil. Aontaíonn tú tabhairt faoi na dualgais a ghabhann leis an bpost agus glacadh leis na coinníollacha faoina gcaithfear na dualgais a chomhlíonadh.

Ginearálta

Déantar an ceapachán faoi réir Achtanna Rialaithe na Státseirbhíse, 1956 go 1996, Acht um Bainistíocht na Seirbhíse Poiblí (Earcaíocht agus Ceapacháin) 2004 agus aon acht eile atá i bhfeidhm faoi láthair maidir leis an státseirbhís. Déanfar an ceapachán faoi réir bheartais Ard-Mhúsaem na hÉireann maidir le Cód na gCaighdeán agus na hIompraíochta.

Aoisliúntas agus Scor

Tairgfear na téarmaí agus na coinníollacha cuí aoisliúntais don té a cheapfar, faoi mar atá i réim in Ard-Mhúsaem na hÉireann nuair a thairgtear an ceapachán. I gcoitinne, agus ach amháin i gcás iarrthóirí a d'oibrigh i bpost inphinsin seirbhíse poiblí (téarmaí na scéime neamhaonair) sna 26 seachtain roimh an cheapachán (féach alt d thíos), ciallaíonn sin go dtairgfear an ceapachán bunaithe ar bhallraíocht den Scéim Pinsin Seirbhíse Poiblí Aonair ("An Scéim Aonair"). Is iad seo a leanas príomhfhórlacha bhallraíochta na Scéime Aonair:

a. Aois Inphinsin

Is é 66 an aois íosta ag a mbíonn pinsean iníoctha (ag méadú go 67 agus 68) ar aon dul le hathruithe ar an aois don Phinsean Stáit.

b. Aois Scoir:

Ní mór do bhaill na scéime dul ar scor ag aois 70.

c. Maolú Pinsin

- Má bhí an ceapaí fostaithe roimhe seo sa státseirbhís agus ag fáil pinsin ón státseirbhís, beidh feidhm ag na gnáthrialacha maolaithe. Ach más amhlaidh go raibh an té a cheapfar fostaithe sa státseirbhís roimhe seo agus gur bronnadh pinsean air/uirthi faoi shocruithe deonacha luathscoir (seachas Scéim Dreasaíthe Luathscoir (ISER) nó VER/VRS na Roinne Sláinte Imlitir 7/2010, a chuireann an duine as an áireamh don chomórtas, mar a mhínítear thuas), beidh deireadh leis an teidlíocht ar íoc an phinsin sin ó dháta an athcheapacháin. Déanfar socruithe speisialta, áfach, chun seirbhíse a thug an té an ceapaí roimhe seo a chur san áireamh ar mhaithe le haon dámhachtain pinsin amach anseo dá gcáileodh an duine sin.
- Má bhí an ceapaí fostaithe roimhe seo sa státseirbhís nó sa tseirbhís phoiblí, tabhair ar aird go bhfuil fóráil san Acht um Pinsin Seirbhíse Poiblí (Scéim Aonair agus Forálacha Eile) 2012 a leathnaíonn maolú pinsin chuig gach státseirbhíseach nó seirbhíseach poiblí a athfhostaítear fad a bhíonn pinsean seirbhíse poiblí á íoc. Tháinig an fóráil chun maolú a chur i bhfeidhm sa tseirbhís phoiblí i gcoitinne isteach ar an 1 Samhain 2012. **Is féidir go mbeidh impleachtaí pinsin ag an bhforáil sin do dhuine ar bith a cheaptar sa phost seo agus atá ag fáil pinsin státseirbhíse nó seirbhíse poiblí nó a bhfuil pinsean státseirbhíse nó seirbhíse poiblí caomhnaithe aige/aici, pinsean a thosófar a íoc laistigh dá t(h)réimhse fostaíochta sa phost seo.**
- **Scéim Luathscoir do Mhúinteoirí na Roinne Oideachais agus Scileanna Imlitir 102/2007**

National Museum of Ireland

Thug an Roinn Oideachais agus Scileanna isteach Scéim Luathscoir do Mhúinteoirí. Is coinníoll é den Scéim Luathscoir, ach amháin sna cásanna atá leagtha amach i bparagraif 10.2 agus 10.3 de na himlitreacha cuí, agus sna cásanna sin amháin, má ghlacann múinteoir le luathscor faoi **Shnáitheanna 1, 2 nó 3** den scéim seo agus go bhfostaítear é nó í i gcáil ar bith in aon réimse den earnáil phoiblí, **cuirfear deireadh láithreach** le híoc aon phinsin faoin scéim leis an duine sin. Atosófar na híocaíochtaí pinsin ar chríoch na fostaíochta sin nó ar 60ú breithlá an duine sin, cibé acu is déanaí, ach ar a atosú, bunófar an pinsean ar sheirbhís inríofa iarbhír an mhúinteora sin mar mhúinteoir (.i. ní chuirfear na blianta breise a deonaíodh roimhe sin san áireamh agus an íocaíocht pinsin á ríomh).

- **Scor de Dheasca Easláinte.** I gcás ina dtéann duine ar scor ó chomhlacht Státseirbhíse nó Seirbhíse Poiblí ar chúiseanna easláinte is féidir go mbeidh a p(h)insean ón bhfostaíocht sin faoi réir athbhreithniú de réir rialacha an scoir easláinte atá mar chuid de scéim pinsin na fostaíochta sin.

d. Iarsheirbhísigh Phoiblí

Cé gurb é ballraíocht sa Scéim Aonair na téarmaí réamhshocráithe pinsin, mar atá leagtha amach sna míreanna roimhe seo, is féidir nach mbeidh feidhm aige seo maidir le ceapaithe áirithe. Tugtar gach coinníoll a rialaíonn cibé an mbaineann seirbhíseach poiblí leis an Scéim Aonair nó nach mbaineann san Acht um Pinsin Seirbhíse Poiblí (Scéim Aonair agus Forálacha Eile) 2012. Ach is é an príomhchás eisceachta (i gcomhthéacs an chomórtais seo agus i gcoitinne) nach gnách **go rachadh duine a d'oibrigh i gcáil inphinsin (téarmaí nach téarmaí na scéime aonair iad) sa tseirbhís phoiblí laistigh de 26 seachtain de dhul i mbun oibre, isteach sa Scéim Aonair.** I gcás mar sin is amhlaidh go dtairgí ballraíocht sa scéim pinsin do státseirbhísigh neamhbhunaithe (“Scéim Pinsin d’Fhostaithe Stáit Neamhbhunaithe”) d’iarrthóir mar sin. Chiallódh sé sin go mbeadh feidhm leis na forálacha maolaithe ag (c) thuas, agus anuas ar sin bheadh impleachtaí ann maidir le fabhrú pinsin mar a mhínítear thíos:

e. Fabhrú Pinsin

Bheadh feidhm le teorainn 40 bliain ar an tseirbhís iomlán a bheadh inríofa i leith pinsin i gcás ina raibh an duine sin ina bhall de níos mó ná scéim pinsin seirbhíse poiblí amháin. Tháinig an teorainn 40 bliain, a bhforáiltear dó san Acht um Pinsin Seirbhíse Poiblí (Scéim Aonair agus Forálacha Eile), 2012, isteach ar an 28 Iúil 2012. **Is féidir go mbeidh impleachtaí aige sin d’aon cheapaí a bhfuil cearta pinsin faighte aici/aige i bhfostaíocht seirbhíse poiblí roimhe seo.**

f. Asbhaint maidir le Pinsean

Déantar an ceapachán seo faoi réir asbhaint maidir le pinsean de réir an Achta um Bearta Éigeandála Airgeadais ar mhaithe le Leas an Phobail 2009. Gheofar tuilleadh eolais i dtaobh Scéim Pinsin na Seirbhíse Poiblí do sheirbhísigh phoiblí ag: <http://www.per.gov.ie/pensions>

Saoire bhreiteachta

Is féidir pá iomlán le linn saoire bhreiteachta le deimhniú cuí, ar choinníoll nach bhfuil aon fhianaise ann ar éagumas buan chun seirbhíse, a cheadú suas go 92 lá sa bhliain agus ar leathphá ina dhiaidh sin, faoi réir 183 d’uaslón laethanta breiteachta in aon tréimhse cheithre bliana nó faoina bhun.

Iarrfar ar an gceapaí sainordú a shíniú lena n-údarófar don Roinn Coimirce Sóisialaí chun aon sochair atá dlite faoi na hAchtanna Leasa Shóisialaigh a íoc go díreach le hArd-Mhúsaem na hÉireann agus beidh íocaíocht le linn na breiteachta faoi réir oifigigh a dhéanfadh na héilimh riachtanacha ar shochar árachais shóisialaigh chuig an Roinn Coimirce Sóisialaí laistigh de na teorainneacha ama i dtrácht.

National Museum of Ireland

Rúndacht oifigiúil agus ionracas

Beidh an ceapaí faoi cheangal ag forálacha an Achta um Rúin Oifigiúla 1963, arna leasú ag an Acht um Shaoráil Faisnéise, 1997. Aontóidh an ceapaí gan aon eolas rúnda, go háirithe eolas tráchtála, a nochtadh do thríú páirtithe le linn nó tar éis an téarma fostaíochta.

Réamhcheadú foilseachán

Aontóidh an ceapaí gan ábhar maidir le dualgais oifigiúla a fhoilsiú gan chead roimh ré ó Stiúrthóir Ard-Mhúsaem na hÉireann.

Gníomhaíocht pholaitiúil

Le linn thréimhse na fostaíochta, beidh an ceapaí faoi réir rialacha a rialáonn státseirbhísigh agus an pholaitíocht.

Sonraí breise

Gheofar forálacha maidir le téarmaí agus coinníollacha eile, ar nós catagóirí saoire (saoire mháithreachais, uchtála agus sláinte agus sábháilteachta san áireamh), a bhféadfadh cuid nó gach ceann díobh a bheith ábhartha maidir leis an gceapaí, leagtha amach in imlitreacha ar www.personnelcode.gov.ie.

Níl anseo ach treoir. Eiseofar na téarmaí agus na coinníollacha iomlána mar chuid den chonradh fostaíochta.